



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt VII. Quid sit quod Apostolus ait, fideles mortificatos esse Legi per corpus Christi.

[urn:nbn:de:hbz:466:1-46059](https://nbn-resolving.org/urn:nbn:de:hbz:466:1-46059)

ad Dominicæ doctrinæ culmen ascendit: nec sub Le-  
ge, quia etiam ipsa illa paruula Legis mādāta non sus-  
cipit; hic duplici peccatorum oppressus imperio, ob  
hoc solū gratiam Christi percepisse se credit, vt per  
noxiam libertatem ab eo fieret alienus: in illud inci-  
dens quod Apostolus Petrus ne incurramus enunciat.  
Quasi liberi, inquit, agite, & non quasi velamen ha-  
bentes malitiæ libertatem. Beatus quoque Apostolus  
Paulus: Vos enim, inquit, in libertatem vocati estis,  
fratres: id est, vt absoluti sitis à dominatione peccati:  
tantūm ne libertatem in occasionem carnis detis: id  
est, frustrationem legalium mandatorum, credentes  
esse licentiam vitiorum. Haftenus ille.

## CAPVT VII.

*Quid sit quod Apostolus ait, fideles mortificatos esse  
Legi per corpus Christi.*

**N**IHL proinde iam ea de muliere & Lege simi-  
litudo perturbat, quam posuit Apostolus capite  
septimo Epistolæ ad Romanos. An ignoratis, fratres,  
(sciētibus enim Legē loquor) quia Lex in homine do-  
minatur quanto tempore viuit? Nam quæ sub viro est  
mulier, viuente viro alligata est legi. Si autem mortuus  
fuerit vir eius, soluta est à lege viri. Igitur viuente viro,  
vocabitur adultera, si fuerit cum alio viro. si autem  
mortuus fuerit vir eius, liberata est à lege viri, vt non  
sit adultera si fuerit cum alio viro. Itaque, fratres mei,  
& vos mortificati estis Legi per corpus Christi, vt sitis  
alterius qui ex mortuis resurrexit, vt fructificetis Deo.  
Nam quid esset mortificatū esse Legi per Christi cor-  
pus, consequentibus verbis aperuit: Cū enim esse-  
mus in carne, inquit; passionēs peccatorum, quæ per  
legem erant, operabantur in membris nostris, vt fru-

¶

ctificat

etificarent morti. Nunc autem soluti sumus à Legge  
 mortis, in qua detinebamur: ita ut seruiamus in noui-  
 tate spiritus, & non in vetustate literæ. Legi ergo mor-  
 tificati sumus per corpus Christi, quòd Christo infir-  
 viuaque eius membra effecti, iam sub Legge damnate,  
 nò teneamur obnoxij morti: quippe qui & in gratiam  
 per Christum recepti, & Legis voluntarij obseruato-  
 res effecti sumus. In quibus proinde non dominatur  
 Lex reos faciens, quos sibi iam habet consentientes, &  
 à præteritarum transgressionum vinculis absolutos.  
 Ut enim viro superstitè, mulier si adultera est, Lex  
 adulterium prohibète, damnatur; sin mortuus vir fue-  
 rit, non eam Lex ut adulteram damnandam tradat: ita  
 quamdiu in nobis tanquam vir concupiscentia viuat,  
 etiam si foras se per opus non proferat, Lex ipsa nos  
 reos agit, & damnatione dignos ostendit: at mortuus  
 viro, concupiscentiaque interempta & superata per  
 infusam gratiam, & remissione peccatorum per Chris-  
 tum accepta: mortificati sumus Legi, ut videlicet non  
 amplius lege mortis detineamur, neque in nobis  
 damnationem perniciem que nostram dominetur: ut  
 qui iam seruiamus in nouitate Spiritus, & non in ve-  
 tustate literæ. His quippe Lex est mortis, qui eius occu-  
 sione, sua peruersitate moriuntur: in quibus passiones  
 peccatorum operantur per Legem, ut fructum faciant  
 morti. Peccatū enim inherens, ut appareat peccatum  
 per bonū operatum est nobis mortē, ut fiat supra me-  
 dum peccans peccatum per mādatum. Sponsa Chris-  
 sti (inquit Augustinus) iam mortua est Legi: id est, pec-  
 cato, quod Legis prohibitionè fit abundantius: cum  
 Lex sine gratia iubet, non iuuat. Tali ergo Legi mortuus  
 est, ut sit alterius qui ex mortuis surrexit. Neque alia  
 Lex est sancta & iusta & bona; & alia per quam pecca-  
 tum mortē operatur, cui mori nos oportet: sed eadem  
 ipsa est. Et infra: Proinde quod est oculis sanitas ad  
 videtur

Lib. 19. contra  
 Faustum c. 8.

videndum Solem, hoc est gratia mentibus ad imple-  
 dam Legem. Et sicut oculi sani non Solis delectationi  
 moriuntur, sed illis ictibus asperis radiorum, quibus  
 réuerberati in densiores tenebras pellebantur: sic ani-  
 ma quæ per charitatem Spiritus salua facta est, non  
 iustitiæ Legis mortua dicitur; sed illi reatui & præua-  
 ricationi, quam Lex per literam, cum gratia defuit, fa-  
 ciebat. Clarissimè verò quæst. 1. ad Simplicianum, In  
 hac tota, inquit, quam tractauimus Apostolici conte-  
 xtione sermonis, quisquis putat sensisse Apostolum,  
 quod mala sit Lex, quoniam dicit: Lex subintravit vt  
 abundaret delictum, & Ministratio mortis in literis fi-  
 gurata lapideis, & Virtus peccati Lex, & Mortui estis  
 Legi per corpus Christi, vt sitis alterius qui ex mortuis  
 resurrexit, & Passiones peccatorum quæ per Legem  
 sunt, operabantur in membris nostris, vt fructum fer-  
 rent morti: nunc verò & euacvati sumus à Lege mor-  
 tis, in qua detinebamur: ita vt seruiamus in nouitate  
 Spiritus, & non in vetustate literæ: & alia si qua hu-  
 iusmodi. Apostolum dixisse inuenimus: attendat ideo  
 esse ista dicta, quia Lex auget cõcupiscentiã ex prohi-  
 bitione, & reũ obligat ex præuaricatione, iubendo que  
 implere homines in infirmitate non possunt, nisi se ad  
 Dei gratiam pietate conuertant. Et ideo sub illa esse  
 dicuntur, quibus dominatur. Eis autem dominatur,  
 quos punit: punit autem præuaricatores omnes. Por-  
 ro qui acceperunt Legem, præuaricant eam, nisi per  
 gratiam consequantur posse quod iubet. Ita fit vt non  
 dominetur eis qui iam sub gratia sunt, implentibus  
 eam per gratiam, qui erant sub eius timore damnati.  
 Et infra multis interpositis, Sic ergo dictum est: Mor-  
 tui estis Legi, ac si diceretur: Mortui estis supplicio  
 Legis, per corpus Christi, per quod sunt delicta dona-  
 ta, quæ legitimo supplicio constringebant. Et postea  
 rursum; Cur liberati sumus à Lege mortis, in qua de-

Rom. 7.

2. Cor. 3.

1. Cor. 2. 5.

Rom. 7.

tinebamur, ita ut seruiamus in nouitate spiritus, & nō in vetustate literæ, si Lex bona est? Quoniam Lex litera est eis qui nō eam implent per spiritum charitatis: quò pertinet testamentum nouum. Itaque mortui peccato, liberantur à litera; qua detinentur rei, qui non implent quod scriptū est. Lex enim quid aliud quàm sola litera est eis qui eam legere nouerunt, & implere non possunt? Hactenus Augustinus. In eundem que confluunt sensum & ea quæ à diuo Chrysostomo scribuntur serm. 12. in epistolam ad Romanos, ad illud: Non estis sub Lege, sed sub gratia. Non enim (inquit) est vobis litera condemnans, hoc est, lex vetus; sed spiritus adiuuans. Et rursus antea: Mortui ei in qua detinebamur, quasi dicat: vinculum illud in quo detinebamur, emortuum est, & corruptum: ita, ut id quod detinebat, peccatum scilicet, iam nihil habeat quo nos contineat. Interim tamen, inquit, videndum ne decidas, neque pigrescas. Solutus quippe ad hoc es, ut iterū seruias: licet non huiusmodi seruitute qua prius; sed in nouitate spiritus. Hæc diuus Chrysostomus.

## CAPVT VIII.

*Quid sit, Lex iusto non est posita.*

**A**IT sanè alio in loco beatus Apostolus, Legem positam esse non iusto, sed iniustis, & non subditis, impiis, & peccatoribus. quod qui sic accipiendū esse putant, ut nihil ad eos qui iusti sunt, pertinere Legem arbitrentur; dicant quid sibi ergo in Epistola ad Romanos velit quod idem ait: Non auditores Legis iusti sunt apud Deum, sed factores Legis iustificabuntur. Siue intelligas quia iustificabuntur, ut sint factores; siue, quemadmodum aliquando hoc iustificandi verbum in sacris literis vsurpatur, iustificabuntur; id est,

Rom. 2.